

NAFARROAKO MENDIALDEAN IKERKETA SOZIOLOGIKO BAT EGITEKO LAGUNTZA TEKNIKOAK KONTRATATZEKO BALDINTZEN PLEGUA

1. KONTRATUAREN XEDEA

Nafarroako Mendialdean (Sakanako Mankomunitateak, Iparraldeko Euskara Mankomunitateak, Baztango Udalak, Bortzirietako Euskara Mankomunitateak eta Malerreka Mankomunitateak hartzen dituen udalerrietan) ikerketa soziolinguistikoa bat egiteko laguntza teknikoak kontratatzea.

2. KONTRATAZIO ORGANOA ETA KONTRATUAREN KUDEAKETARAKO UNITATEA

Kontratazio organoa Sakanako Mankomunitateko Lehendakaritza izanen da, eta unitate kudeatzailea Mankomunitate horretako Euskara Zerbitzua.

3. KONTRATUAREN PREZIOA

Kontratuaren prezioa 16.400 eurokoa izanen da bi urterako, BEZ barne: 6.900,00 euro 2015 urtean eta 9.500,00 2016 urtean. Kopuru hori gainditzen dituzten proposamen ekonomikoak baztertuak izanen dira.

4. KONTRATUAREN IRAUPENA

Kontratuak bi urteko iraupena izango du, eta 2016ko abenduaren 31n bukatuko da.

5. KONTRATUAREN BALIO ZENBATETSIYA

Kontratuaren balio zenbatetsia bi urterako 16.400,00 eurokoa da, BEZ barne.

6. PREZIOAK BERRIKUSTEA

Esleipen-hartzaileak ezingo du inondik ere erreklamatu bere eskaintzan ezarritako prezioak igotzea.

7. ESLEITZEKO PROZEDURA

Baldintza hauetan aipatzen diren lanak Nafarroako Administrazio Publikoen Kontratuak buruzko ekainaren 9ko 6/2006 Legearen 65. artikulua xedatutakoaren arabera esleitu dira, prozedura irekiari jarraituz. Lizitazioari buruzko iragarkia Nafarroako Kontratazioaren Atarian argitaratuko da. Eskaintzarik onuragarriena plegu honetan ezarritako irizpideei jarraiki zehaztuko da.

8. IKERKETAREN HELBURUAK

Ikerketa honen bidez Nafarroako mendialdeko euskararen egoera aztertu nahi da, zehazkiago, euskara zerbitzuetako hurrengo urteetako plangintzak behar bezala diseinatzeko beharrezkoa den informazioa lortu nahi da.

9. IKERKETAREN EZAUGARRIAK

Ikerketak bi atal izanen ditu; hona:

Azterketa kuantitatiboa: Inkestak egingo zaizkie ikerketa eremuan eskolatuta dauden 12-16 urte bitarteko —alegia DBHko— gazte guztiei. Besteak beste, honako hauei buruz galdetuko zaie: etxeko erabilera, sare sozialak, hedabideak eta Internet. Inkestak ikastetxeetan bertan egingo dira.

Eskualdea	Ikasgelak	Ikasleak
Baztan	16	313
Bortzirak	17	316
Ultzamaldea	4	89
Sakana	38	728
Larraunalde	4	59
Leitzalde	9	164
Mallerreka	9	166
GUZTIRA	97	1.835

Azterketa kualitatiboa: Hausnarketa bideratzeko dinamika parte-hartzaileak erabiliko dira 16 urtetik beherako seme-alabak dituzten guraso euskaldun (ama hizkuntza euskara dutenak zein gerora ikasi dutenak) zein erdaldunekin. Besteak beste, euskara (ez) transmititzeari buruz galdetuko zaie;

euskara ez erabiltzeak edo erabiltzeak sorrarazten dizkien sentipenei buruz; non, norekin eta zertarako erabiltzen duten euskara eta non, norekin eta zertarako ez.

10. GIZA-BALIABIDEAK

Esleipen-hartzailearen kontura arituko diren langileek altan egon beharko dute Gizarte Segurantzaren, eta dagokien lan-kontratua izan. Langile horiek ez dute lan harremanik izango Sakanako Mankomunitatearekin, esleipendunaren mendekoak izango baitira soil-soilik, eta harenak izango dira aipatutako langileen nagusi izateari atxikitako eskubide eta betebeharrak guztiak, lan arloko legediaren arabera. Bestalde, esleipendunak lan-mutualitate batekin bat egiteko agiria izenpetu beharko du, lan istripuak edukitzeko arriskuak estaliko dituen gai horri buruzko legediak eta laneko segurtasunari, osasunari eta arriskuen prebentzioari buruzko araudiak ezarritakoa behar bezala betetz.

11. ESLEIPENDUNAREN BETEBEHARRAK

Esleipenduna beharturik geratzen da ondoko eginbehar hauek betetzera:

- a) Oinarri hauetan ezarritakoaren arabera bete behar du kontratua.
- b) Esleipen honen xede den ikerketa burutzeko Sakanako Mankomunitateak emandako aginduak bete behar ditu.
- c) Ikertzaileez gain, ikertzaileen lana eta ikerketa bera koordinatzeaz arduratuko den koordinatzailea izendatu beharko du. Hura Sakanako Mankomunitatearen aurrean solaskidea izango da kontratu honen gauzatzearekin zerikusia duten alderdi eta gorabehera guztietarako, eta bera izango da, halaber, kontratatutako ikerketa zuzentzeko arduraduna.
- d) Kontratua indarrean den bitartean kontratua betetzeko beharrezkoak diren baliabide pertsonalak eta materialak eduki behar ditu.
- e) Oinarri hauetan xedatutako edozein betebeharrak burutzean sor litezkeen eragozpen edo atzerapenen aurrean esleipendunak aldaketarik egin beharko balu, ezinbestez Sakanako Mankomunitateari jakinarazi beharko lioke aurrez, Sakanako Mankomunitateak ontzat eman dezan.
- f) Kontratistak Gizarte Segurantzaren eta laneko segurtasun eta osasunaren alorrean indarrean dagoen araudia bete beharko du nahitaez. Ez da inolako lan loturarik egongo esleipendunak kontratua gauzatzeko baliatzen dituen langileen eta Sakanako Mankomunitatearen artean.
- g) Esleipendunak behar beste neurri hartuko ditu esleipen honetako zerbitzua ematerakoan hirugarren batzuei kalterik egin ez dakien. Halere, kalterik egingo balu, berea bakarrik, esleipendunarena alegia, litzateke erantzukizuna.
- h) Ikerketa burutzean ikertzaileek zein ikertuek jasan lezaketen edozein motatako istripu edo gertakari kaltegarriari aurre egin ahal izateko, esleipendunak ikerketa bere hedadura osoan estaliko duen erantzukizun zibileko aseguruia itundu beharko du entitate aseguratzaileraren batekin.
- i) Kontratak ekarritako edozein motatako gastuak (giza baliabideak, aseguruak, garraioak, zergak, tasak, prezio publikoak, baimenak, lizentziak eta abar), materialak eta baliabide teknikoak esleipen-hartzailearen kontura izanen dira.
- j) Esleipendunak kontratu honen xedeari dagozkion zereginak betetzeko beharrezkoa den langile kopuruari eutsi beharko dio une oro eta edozein egoeratan. Gai horri dagokionez enpresaren baje, oporren eta antzeko beste arrazoien ondorioz langileak falta badira, esleipendunak betetzeko dauden lanpostu horiek bete beharko ditu, halako eran non eutsi egingo zaion kontratuaren xede diren zereginak betetzeko beharrezkoa den langile kopuruari.
- k) Esleipendunak hitzematzen du bete egingo duela datu pertsonalen babesari buruz indarrean den araudia eta, bereziki, Datu Pertsonalei buruzko abenduaren 13ko 15/1999 Lege Organikoa eta

gainerako xedapen osagarriak. Era berean, hitzematzen du langileei jakinarazi eta betearaziko diela agiri honetan ezarritako betebeharrak eta, zehazki, sekretua gorde beharrari dagozkionak.

l) Kontratuaren xede diren azterlan, txosten, proiektu eta bestelako lanak euskaraz egingo dira, eta kontratuaren esleipen hartzaile diren entitate edo pertsona fisikoek euskara erabili beharko dute kontratuaren xedeko jarduerari lotutako esku-hartze publikoetan. Aipatu hizkuntza baldintzak ez betetzea kontratua desagiteko arrazoï nahikoa izango da, Kontratu Publikoen ekainaren 9ko 2006/6 Foru Legearen 124.1.l) artikuluari jarraiki.

12. PROPOSAMENEN AURKEZPENA

Lizitatzaille batek ezingo du eskaintza bat baino gehiago aurkeztu, eta ezin izango du beste lizitatzaille batzuekin batera eskaintzarik izenpetu, baldin eta bakarkakoa aurkeztu badu, ezta era horretako talde batean baino gehiagotan agertu ere. Arau hori hautsiz gero, edo lotutako enpresek eskaintzak aldi berean aurkeztuz gero, ez da eskaintzarik batere onartuko.

Proposamenak aurkeztean lizitatzailleak onartzen du kontratua arautzen duten agirietan aurreikusitako baldintza guztien edukia, inolako salbuespen edo erreparorik gabe.

Proposamenak Sakanako Mankomunitatearen erregistro orokorrean aurkeztuko dituzte lizitatzailleek, edo, bestela, postaz igoriko dituzte. Proposamenak aurkezteko epea Nafarroako Kontratuen Atarian argitaratzen den iragarkian agertuko da, betiere Kontratu Publikoen Legeak ezartzen dituen 18 egun naturalen minimoa errespetatuz.

Proposamenak gutun-azal bakarrean aurkeztuko dira. Barruan beste hiru sartuko dira, itxita eta lizitatzailleak sinatuak eta zigilatuak, eta ondoko izen eta agiriak izan beharko dituzte:

1. gutun-azala: Lizitatzaillearen ahalmenaren eta kaudimenaren egiaztagiriak

a) Pertsona fisikoa edo juridikoaren nortasuna eta jarduteko ahalmena frogatzeko dokumentuei dagokienez, pertsona fisikoaren kasuan Nortasun Agiri Nazionala edo dagokien estatuko baliokidea aurkeztuko da; pertsona juridikoak direnen jarduteko ahalmena frogatzeko, berriz, dokumentu hauek aurkeztuko dira: eratzeko eskritura edo dokumentua, estatutuak edo fundazio-egintza, jarduerak bete beharreko arauak jasotzen dituztenak, dagokien erregistro publikoan inskribatuak.

b) Lizitatzaillearen zinpeko aitormena kontrataziorako eskatzen diren baldintzak betetzen dituela adieraziz. Aitormen horretan lizitatzaillea indarrean dauden xedapenek ezartzen dituzten zerga-betebeharrak eta Gizarte Segurantzarekikoak ordainduta izatearen erantzukizunpeko berariazko adierazpena sartu behar da.

c) Enpresako langileen zerrenda, langile bakoitzak dituen titulu akademikoak eta lan-esperientzia jasotzen dituen.

d) Azken hiru urteetan egindako lan nagusien zerrenda, bakoitzaren zenbatekoarekin, datarekin eta hartzailearen —publiko zein pribatua— izenarekin.

e) Jakinarazpenak egiteko helbide elektronikoa.

d) Lizitatzaillearen aitortpena, edo, hala badagokio, bere ahaldun edo ordezkariarena, non bere erantzukizunpean adieraziko baitu enpresak eta administratzaileak ez daudela sartuak kontratatzeke ezgaitasun edo bateraezintasun arrazoietan, Nafarroako Administrazio Publikoen Kontratuak buruzko ekainaren 9ko 6/2006ko Foru Legearen 18. eta 20. artikuluek aipatzen dituzten horietan.

h) Lizitatzaillearen aitortpena, edo, hala badagokio, bere ahaldun edo ordezkariarena, non bere erantzukizunpean adieraziko baitu, indarra duten xedapenek ezarritakoa betetzen duela laneko segurtasunari, osasunari eta lan-arriskuen prebentzioari dagokienez.

Eskatzen diren agiriei jatorrizkoak izan beharko dute, edo bestela, notario edo administrazio bidez egiaztatutako kopiak.

2. gutun-azala: Dokumentazio teknikoa

Bertan agertuko da lizitatzailerak aurkeztu duen dokumentazio guztia, plegu honen 13. baldintzan agertzen diren esleitzeko irizpideetan balioetsi eta puntuatzeko, proposamen ekonomikoa izan ezik.

Hobekuntzak aurkezteko aukera aurreikusten den kasuan, proposatzen diren hobekuntzek lotura zuzena eduki behar dute kontratuaren helburuarekin, eta horien balorazio ekonomikoa egin beharko da. Kontratazio organoak esleipen akordioan berariaz onartzen baditu hobekuntza horiek, kontratuaren barruan sartuko dira.

3. gutun-azala: Eskaintza ekonomikoa

Gutun-azal horretan eskaintza ekonomikoa sartuko da.

Eskaintza ekonomikoa Balio Erantsiaren Zerga barruan dagoela ulertuko da. Lizitatzailerak zerga hori ordaintzetik salbuetsita badago, horrela adierazi beharko du eskaintzan, eta hala egiaztatu beharko du.

13. ESLEIPENERAKO IRIZPIDEAK

Aurkeztutako proposamenak balioetsi eta onuragarriena den eskaintza zehazteko, goitik beherako hurrenkeran puntuatuko diren irizpideak honako hauek izanen dira:

Proposamen teknikoa: 80 puntu arte, ondoko atalei jarraiki:

a) Ikerketaren definizio orokorra (ikerketaren hipotesiak eta helburuak, eremuak eta egutegia biltzen ditu): 20 puntu arte.

b) Metodologia (ikerketa garatzeko erabiliko diren metodologiak eta teknikak biltzen ditu): 30 puntu arte.

c) Baliabide tekniko eta materialak: 15 puntu arte.

d) Berrikuntza metodologikoak (metodologia eta teknika berritzaileen erabilera): 15 puntu arte

Proposamen teknikoaren atalean 35 puntu gainditzen ez dituzten lizitatzaileraren eskaintza ekonomikoa ez dira zabalduko.

Proposamen ekonomikoa: 20 puntu arte. 20 puntu izanen ditu eskaintzarik merkeenak. Gainerakoei horren arabera puntuazioa emanen zaie proportzionalki. Ez dira onartuko lizitazioaren prezioa gainditzen duten eskaintza ekonomikoa.

Puntuazio orokorrean bi lizitatzaileraren edo gehiagoren arteko berdinketa emanen balitz, plantillan duten langile minusbaliatuen ehuneko handiena duen enpresa hobetsiko da, betiere, % 3 baino txikiagoa ez bada; hori ezean edo berdinketak jarraituko balu, behin-behineko langileen ehuneko txikiena duen enpresa hobetsiko da, betiere, % 10 baino handiagoa ez bada; eta hori ezean edo berdinketak jarraituko balu, genero ikuspegitik jardunbide egokiak dituen enpresaren alde ebatziko da, kasu guztietan kontuan hartuz eskaintzak aurkezteko epea amaitzeko unean aipatu baldintzak ematea. Lehen aipatutako irizpideak aplikatu ondoren berdinketak jarraituko balu, zozketa bidez ebatziko da. Horretarako guztirako, ukituak diren enpresei beharrezko dokumentazioa eskatuko litzaieke, eta aurkezteko bost eguneko epea ezarri.

14. KONTRATAZIO MAHAIA

Kontratazio mahaia horrela osatuko da: mahaiburua: Sakanako Mankomunitateko lehendakariordea (ordezkoa: Sakanako Mankomunitateko lehendakariordeak izendatzen duen pertsona); mahaikideak: Castillo Suárez García (ordezkoa: Patri Arburua Etxeberria) Eneko Anduaga Insausti (ordezkoa: Paula Kasares Corrales), Iñaki Martínez de Luna Perez de Arriba (ordezkoa: Amaia Elizagarate Sagastibeltza) eta Nerea Malkorra Araolaza (ordezkoa: Mari Jose Ibarguren Agirre); idazkaria: Kristina Ziauriz Etxegoien (ordezkoa: Natalia Rodriguez Aguado).

15. ESKAINTZAK IREKITZEA ETA ESLEIPEN PROPOSAMENA

Barneko ekitaldian lizitatzaillearen ahalmena eta kaudimena kreditatzen duen dokumentazioaren gutun-azalak ireki eta aztertuko dira, kaudimen ekonomiko eta finantzarioa, tekniko eta profesionala balioetsiz, eta eskatutako dokumentazioa garaiz eta forman aurkeztu duten lizitatzailleen onarpena ebatziz.

Kontratu Publikoen ekainaren 9ko 6/2006 Foru Legearen 54.3 artikulua dioenari jarraiki, aurkeztutako dokumentazioan zerbait falta bada edo zalantzarik badago, lizitatzailleari bost egun naturaleko epea emanen zaio aurkeztu duen dokumentazioa osatu edo zuzendu dezan. Eskatu zaion dokumentazioa Sakanako Mankomunitateko erregistroan aurkeztu beharko du ezarritako epean. Dokumentazio horrek ezin izango ditu, inondik ere, eskaintzaren baldintzak aldatu.

Ondoren, eta barneko ekitaldian, onartutako lizitatzailleek aurkeztutako dokumentazio teknikoaren gutun-azalak ireki eta aztertuko dira adjudikatzeko irizpideen arabera puntuak emateko, eskaintza ekonomikoarena izan ezik. Aurkeztutako eskaintzaren bat iluna edo zehaztugabea dela ikusten bada, argibide gehiago eskatu ahal izango dira, baina horiekin ezingo da aurkeztutako proposamena aldatu. Erantzuteko epea bost egun naturalekoa izango da.

Kontratu Publikoen Foru Legearen 45.2 artikuluan adierazitakoarekin bat eginez, lizitatzaille bat ez bada eskatutako gutxieneko puntuaziora iristen, ezingo du kontratazio prozeduran jarraitu; hori guztia ikuspegi teknikitik egokiak ez diren edo kontratua egoki gauzatuko dela behar bezala bermatzen ez duten eskaintzak baztertzeko eskumenari kalterik eragin gabe.

72 ordu lehenago gutxienez, eskaintako prezioaren irekiera publikoaren lekua, data eta ordua iragarriko dira. Eskaintza ekonomikoaren gutun-azalak irekitzeko ekitaldi publikoan eta, horiek ireki baino lehen, epaimahaiak egindako balorazioaren emaitza jakinaraziko die bertaratuei.

Aurkeztutako eskaintzaren bateko prezioa iluna edo zehaztugabea dela ikusten bada, prezio hori formula, ekuazio edo antzeko zerbaiti men egiten dion kasuetan, argibide gehiago eskatu ahal izango dira, baina bakarrik hura osatzen duten faktoreei buruzko argibideak izan ahalko dira.

Eskaintza txikiegi bat atzematen bada, eta susmoa hartzen bada lanak ez direla behar bezala egingo, kontratazio mahaiak, eskaintza baztertu aurretik, egoera horren berri emango dio eskaintza aurkeztu duen lizitatzailleari —edo lizitatzailleei, horrelako eskaintza bat baino gehiago balego—. Kontratu Publikoen Foru Legearen 91. artikuluan aurreikusitakoarekin bat eginez. Eskaintza bat txikiegitzat hartuko da kontratuaren balio zenbatetsia baino % 30 txikiagoa bada.

Kontratazio mahaiak esleipen proposamena egingo du. Proposamenean plegu honetan ezarritako irizpide objektiboak aplikatzean eskaintza bakoitzari eman zaion puntuazioa aipatuko da, eskaintza onargarria egin duten lizitatzailleak lehentasun hurrenkeraren arabera ordenatuz.

16. ESLEIPENA

Esleipen proposamena jakinarazi eta 7 eguneko epean esleipen-proposamena jaso duen lizitatzailleak honako dokumentu hauek aurkeztu beharko ditu:

a) Lizitatzaillea Nafarroako Foru Komunitateko Lizitatzailleen Borondatezko Erregistroan inskribatuta badago, nortasuna eta enpresaren ordezkaritza egiaztatzeko nahikoa izango da erregistroak jaulkitako ziurtagiriaren kopia eta indarrean dagoela esaten duen aitortpena aurkeztea.

b) Lizitatzaillearen izenean proposamen ekonomikoa sinatuko duen pertsonaren aldeko ahalordea eta pertsona ahalduaren Nortasun Agiri Nazionalaren kopia behar bezala egiaztatuta. Lizitatzaillea pertsona juridikoa bada, ahalordeak inskribaturik egon beharko du dagokion erregistroan.

c) Jarduera Ekonomikoei buruzko Zergaren edo Lizentzia Fiskalaren alta-agiria edo, hala badagokio, azken ordainagiria.

d) Nafarroako Gobernuak Ekonomia eta Ogasun Departamentuaren ziurtagiria eta, horrez gain, lizitatzailleak zerga-betebeharrak dituen administrazio publikoaren organo eskudunena, lizitatzailleak

haiekiko zerga betebeharrak eguneratuak dituela egiaztatzeko, proposamenak aurkezteko epea amaitu baino gehienez ere sei hilabete lehenago luzatua.

e) Gizarte Segurantzak luzatutako ziurtagiria, indarra duten xedapenek ezartzen dizkioten Gizarte Segurantzarekiko betebeharrak ordainduta dituela egiaztatzeko, proposamenak aurkezteko epea amaitu baino gehienez ere sei hilabete lehenago luzatua.

f) Elkartuta parte hartzen duten lizitatzailleek izenpetua bada proposamena, dokumentu pribatu bat erantsiko zaio, eta bertan adieraziko da elkartuta parte hartzeko borondatea, bakoitzari dagokion parte hartzearen ehunekoa, eta izendatuko da haiek ordeztuko dituen ordezkari edo ahaldun bakarra. Idazki hori elkartutako enpresek zein aipatutako ahaldunak izenpetu beharko dute.

Apirilaren 19ko 174/2004 Foru Dekretu bidez sortutako Nafarroako Foru Erkidegoko Lizitatzailleen Erregistro Boluntarioan izena emana duten elkarleen eta kooperatiben kasuan, erregistro horretan izena eman izanaren ziurtagiriaren kopia, Internet bidez elektronikoki lortua, eta, horrekin batera, hori indarrean dela adierazten duen aitorten arduratsua aurkeztuz gero, erakunde lizitatzaillea salbuetsi egingo da bere izaerari eta ordezkapenari buruzko dokumentazioa aurkeztu beharretik.

Eskatutako dokumentazioan akatsik edo hutsegiterik atzematen bada, epe bat emango da hori konpontzeko. Aipatutako dokumentazioa ez bada aipatutako epean aurkezten, kontratua suntsitu egingo da, betiere esleipendunari entzun ondoren. Hark kontratuaren balio zenbatetsiaren % 5ari dagokion zigorra ordainduko du, eta baita kalte eta galeren kalte-ordain osagarria ere, ehuneko horretatik gorako guztiari dagokionez.

Aipatutako dokumentazioa jaso ondoren —lizitazioaren aurreko fasean dagoeneko aurkeztu ez bada—, dagokion esleipen proposamena egingo zaio kontratazio organoari, eta hark esleipenaren erabakia jakinaraziko die lizitazioan parte hartu dutenei. Jakinarazpenean azalduko dira hautatutako eskaintzaren ezaugarriak edo abantailak eta esleipenak zer datatan izango duen erabateko eraginkortasuna.

Kontratazio organoak, eta plegu honetan ezarritako irizpideak kontuan hartuta, eskaintza onuragarriena duen proposamenari esleitu dio kontratua, gehienez ere hilabeteko epean eskaintako prezioaren irekiera publikoaren ekitalditik kontatzen hasita. Esleipena lizitazioan parte hartu duten entitateei jakinaraziko zaie. Jakinarazpen horretan jasoko da baztertutako lizitatzailleak esleipenaren erabakiaren kontra behar bezala oinarritutako errekurtsioa jarri ahal izateko beharrezko informazioa, eta bereziki zehaztuko da zer arrazoiren ondorioz baztertu den hautagai edo eskaintza bat eta hautatutako eskaintzaren ezaugarriak edo abantailak, Kontratu Publikoen Foru Legearen 92.5 artikuluan aurreikusitakoarekin bat eginez.

Kontratu Publikoen Foru Legearen 92.6. artikuluan adierazitakoarekin bat eginez, lizitazioa esleitu gabe utzi ahal izango da interes publikoko arrazoiak direla eta, nahiz eta aurkeztutako eskaintzak agiri honekin bat etorri, baldin eta inguruabar faktiko edo juridikoen ondorioz zentzuzkoa bada interes publikoa lehenestea.

17. BERMEA

Kontratuaren esleipendunak, lanak egingo direla bermatzeko helburuarekin, hamabost egun naturaleko epean esleipenaren jakinarazpenetik zenbatzen hasita, kontratuaren % 4ari dagokion bermea eratu beharko du. Berme hori kontratistaren betebeharrei atxikita egongo da, eta bereziki, berandutzeagatik zigorren ordainketari eta kontratua gauzatu bitartean kontratistak eragin ditzakeen kalte eta galeren konponketari. Bestalde, berme hori bahitu ahal izango da, kontratistaren erruz kontratua ez betetzeagatik hura suntsitu den kasuetan, egiaztatzen diren kalte eta galerak estaltzeko behar den kopuruan; berme hori nahikoa ez balitz, Sakanako Mankomunitateak indarrean dauden xedapenek ezartzen dituzten mekanismoen bitartez hartu ahal izango du ordaina.

Berme hori modu hauetakoren baten bitartez eratu beharko da:

a) Eskudirutan. Bermea Sakanako Mankomunitateak Laboral Kutxan zabalik duen kontu korrante batean gordailatu beharko da.

b) Banketxe edo aurrezki kutxa batek emandako bermearen bidez. Dagokion kontratazio organoaren aurrean aurkeztu beharko da. Bermea Sakanako Mankomunitatearen alde jaulki beharko da. Iraupena mugagabea izango da: indarrean egongo da Sakanako Mankomunitateak berariaz erabakitzen duen arte betebeharrak bermatzailea iraungi dela eta bermea indargabetu dela.

c) Aseguru baten kontratazioaren bidez. Kontratuaren ziurtagiria dagokion kontratazio organoari eman beharko zaio. Berme horrek ondorioak izango ditu Sakanako Mankomunitateak berariaz hura indargabetzeko eta itzultzeko baimena ematen duen arte.

18. KONTRATUA GAUZATZEA

Kontratua dokumentu administratiboan gauzatuko da, esleipenaren 10 eguneko suspentsio epea amaitu eta 15 egun naturaleko epean, eta dokumentu horrek edozein erregistro publikora sartzeko ahalbidetuko du.

Kontratua formalizatzen den egun berean ekingo zaie lanei, edo, hala badagokio, kontratuaren unitate kudeatzaileak zehazten duen egunean. Kontratua baldintza hauei estuki lotuta gauzatuko da, eta indarrean den legediak Sakanako Mankomunitateari kontratua interpretatzeko, aldatzeko eta deuseztatzeke ematen dizkion ahalmenen mende geldituko da kontratista. Agintzen zaizkion aginduak betetzen ez badira, agiri honetan ezarritako zigorrak aginduko dira.

19. KONTRATUAREN SUNTSIPENA

Pertsona edo erakunde esleipendunari egotz dakizkiokeen arrazoiak direla eta kontratua ezin bada adierazitako epearen barruan gauzatu, Sakanako Mankomunitateak hura suntsiaraztea erabaki dezake, baina ezinbesteko izapidea izango da interesdunari entzutea. Pertsona edo erakunde esleipendunak Sakanako Mankomunitateari kontratuan zenbatetsitako zenbatekoaren % 5ari dagokion zigorraren ordainketa egin beharko du, eta baita kalte eta galeren kalte-ordain osagarria ere, ehuneko horretatik gorako guztiari dagokionez.

Hautatutako pertsonak edo erakundeak ez dituenean kontratua gauzatzeko beharrezkoak diren baldintzak betetzen, eta kontratua suntsitzea erabakitzen denean, Sakanako Mankomunitateak haren ondorengo pertsona edo erakunde lizitatzailerak hautatu ahal izango ditu, eskaintzen beherazko balorazioaren arabera, baldin eta hori posible bada eta interesdunaren adostasunarekin, deialdi berri bat egin aurretik.

20. AZPIKONTRATAZIOA

Azpikontratazioa soilik onartuko da Nafarroako Administrazio Publikoen Kontratuari buruzko ekainaren 9ko 6/2006 Foru Legearen 110. artikuluan ezarritako kasuetan eta aurreikusitako baldintzetan. Azpikontratazioak ez dio kontratista nagusiaren erantzukizun eksklusiboari eragingo.

21. ARRISKUA ETA MENTURA

Kontratua esleipendunaren arrisku eta menturara gauzatuko da, eta haren kontura izango dira kontratua gauzatu bitartean gertatzen diren galerak, matxurak edo kalteak; edonola ere, interesdunak aseguratu egin beharko ditu horiek.

22. KONTRATUA DEUSEZTATZEKO ARRAZOTIAK ETA ZEHAPENAK

Baldintzaren bat ez betetzeak edo behar den moduan ez betetzeak berekin ekarri ahal izanen du Mankomunitateak kontratua deuseztatzea edo zehapen bat ezartzea. Zehapen ekonomikoak arau-haustearen larritasunaren arabera izanen dira. Zehapenak ez ordaintzeak, halaber, berekin ekarri ahalko du kontratua deuseztatzea, edo bermea galtzea dagokion kopuruaren heinean. Nolanahi ere, kontratua deuseztatzeak kontratistari eginiko lanen prezioa jasotzeko eskubidea ematen dio, betiere kontratuan ezarritakoaren arabera eginak badira eta administrazioak jaso baditu.

Horretaz gain, ondokoak izan daitezke kontratua deuseztatzeko edo zehapen bat ezartzeko arrazoiak:

- a) Kontratututako zerbitzuetakoren bat ez ematea.
- b) Zerbitzua atzeratzea edo etetea.
- c) Arduragabekeriak edo axolagabekeriak jardutea.
- d) Segurtasun eta osasun neurriak ez betetzea.
- e) Giza baliabideak edo baliabide materialak faltatzea edo ez edukitzea.
- f) Isilpekotasun profesionalaren betebeharra ez betetzea.
- g) Azpiegitura bat nahita hondatzea edo hondatzen uztea.
- h) Memoretan faltsukeriak jokatzeko.
- i) Errealitatearekin bat ez datozen fakturak aurkeztea.
- j) Kontratua uztea.
- k) Kontratua baimenik gabe lagatzea.
- l) Kontratuaren Unitate Kudeatzailearen teknikariek idatziz agindutako zereginei uko egitea.

23. LANAK BURUTZEA ETA KONTROLATZEA

Lanak kontraturako oinarri izango diren baldintza hauei estuki lotuta eta Sakanako Mankomunitateak lanaren jarraipena egiteko izendatutako langileek idatziz emaniko jarraibideak kontuan harturik gauzatuko dira. Langile horiek kontratu honetan sartzen diren lanen kontrola eginen dute, eta kontratistak kontrol hori ahalbidetuko die.

Egindako lanak ez badira kontratatutako zerbitzura egokitzen kontratistari egotz dakizkiokeen akats edo hutsengatik, Sakanako Mankomunitateak lanak atzera bota ahal izanen ditu, eta ordaintzeko betebeharretik salbuetsita geldituko da.

24. ORDAINKETA

Kontratu honengatik Sakanako Mankomunitateak gehienez ere 6.900,00 € (BEZ barne) ordainduko ditu 2015. urtean eta 9.500,00 € (BEZ barne) 2016. urtean. Prezio horretan sartuko dira ikertzaileen soldata eta gizarte segurantzak, kilometrajea, ikerketa burutzeko lanak, materiala eta trebakuntza, eta ikerketa abian jartzeko aldeaz aurretik egin behar diren kudeaketa lanak. Bestelako jarduerak ez dira finantzatu.

Esleipendunak fakturak eta memoriak aurkeztu eta kontu-hartzaileak eta horretarako izendatutako euskara teknikariak oniritzia eman eta gero egingo dira ordainketak. Urtean bi faktura aurkeztu ahal izango ditu esleipendunak: urtariletik ekainera bitartekoa bata eta irailetik abendura bitartekoa bestea. Fakturretan fakturatutako orduen kontzeptu zehatzak agertuko dira.

25. LANEN JABETZA ETA USTIAPENA

Kontratu hau burutzeko prestatzen diren dokumentu guztiak eta egiten diren lanak kontratugilearenak izanen dira, eta ez beste inorenak. Esleipen-hartzaileak ezin izanen du material hori erabili, ezta argitaratu edo zabaltu ere, edo beste inori laneko datu edo dokumenturik eman, baldin eta Sakanako Mankomunitateak espresuki emandako baimena ez badu. Konpromiso hori hausten badu, leporatzen ahal zaion kaltea ordaindu beharko dio Sakanako Mankomunitateari. Bakar-bakarrik bi aldeek artean akordioak egiten baldin bada eman ahalko zaio baimena esleipen-hartzaileari lanak ustiatzeko, eta akordioan adierazten den moduan bakarrik.

26. ESLEIPEN-HARTZAILEARI BERMEA ITZULTZEA

Bidezkoa denean, kontratua bukatu ondorengo hogeit hamar egun igaro baino lehen itzuliko zaio bermea esleipen-hartzaileari. Bermea ofizioz itzuliko da, kontratuaren unitate kudeatzaileak kontratua bete dela adierazten duen txostena egin ondoren edo kontratua kontratistaren errurik gabe baliogabetu bada.

27. KONTRATUAREN ALDAKETAK

Kontratua sinatu ondoren aldaketak egin ahalko zaizkio Nafarroako Administrazio Publikoen Kontratuei buruzko ekainaren 9ko 6/2006 Foru Legearen 105. eta ondoko artikuluetan ezarritako prozedurei jarraituz. Kontratazio organoak behar bezala baimendu gabeko aldaketak kontratistaren erantzukizuna izanen dira.

28. KONTRATUA SUNTSIARAZTEA

Kontratua suntsiarazteko arrazoiak Kontratu Publikoen Foru Legean azaldutako edozein izan litezke, eta horrez gainera, falta larriak edo oso larriak errepikatzen badira ere suntsi liteke kontratua. Kontratua suntsitzen bada kontratistaren erruz kontratua bete ez delako, hark kalte-ordainak ordaindu beharko dizkio Sakanako Mankomunitateari eragindako kalte-galerengatik, eta, horretarako, egiaztatu diren kalte eta galerak estaltzeko beharrezkoa den zenbatekoa bahituko zaio bermean.

29. JURISDIKZIOA ETA ERREKURTSOAK

Espedientearen xedea den kontratuak izaera administratiboa du. Beraz, kontratuak betetzearen eta baldintza-agiriaren xedapenak interpretatzearen ondorio diren gorabeherak oro, hasiera batean, contratazio organoak ebatziko ditu.

Nolanahi ere, lizitazioan interesa duten enpresek, profesionalek eta norbanakoek contratazio publikoaren arloko erreklamazioa aurkezten ahalko dute Nafarroako Kontratu Publikoen Administrazio Auzitegian, izapide-egintzen edo behin betiko egintzen aurkakoa, baldin eta egintza horiek lizitazioetik baztertzen badituzte edo haien xedeei kalte egiten badiete.

Aurkezpena bide telematikoa erabiliz egin beharko da nahitaez.

Erreklamazioa 10 egun naturaleko epean aurkezten ahalko da, inpugnatutako egintza jakinarazi eta biharamunetik hasita, edo 10 egun naturalekoan, esleipena argitaratu eta biharamunetik hasita, lizitazioa argitaratzea nahitaezkoa ez denean. Erreklamaziorako oinarria Kontratu Publikoei buruzko ekainaren 9ko 6/2006 Foru Legearen 210.3 artikuluan aipatzen direnetako bat izan beharko da. Erreklamazio hau aurkeztuz gero, ezin izanen da bestelako errekurtsu administratiborik jarri arrazoi berean oinarrituta.

Baldintza hauetan aurreikusirik ez dagoen guztian, Kontratu Publikoei buruzko ekainaren 9ko 6/2006 Foru Legean jasotako araudia eta irizpideak bete beharko dira, Nafarroako Toki Administrazioari buruzko uztailaren 2ko 6/1990 Foru Legean adierazitako berezitasunak kontuan harturik. Horrez gain, aipatutako lege horietan jasota ez dauden gaietan, Sektore Publikoko Kontratuei buruzko Legearen testu bategina onetsi zuen azaroaren 14ko 3/2011 Legegintzako Errege Dekretua ere hartuko da kontuan.

Nafarroako administrazioarekiko auzien epaitegi eta auzitegien administrazioarekiko auzien jurisdikzioak izanen du horren gaineko eskumena.